

Na osnovu člana 4. i člana 8. Zakona o koncesijama Zeničko-dobojskog kantona ("Službene novine Zeničko-dobojskog kantona", broj: 5/03) i člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 07/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 124. sjednici održanoj dana 11.09.2013. godine, d o n o s i

ODLUKU

o ponovnom davanju saglasnosti i kriterijima provođenja procedure dodjele koncesije za izgradnju male hidroelektrane MHE „PEPELARI“ na Pepelarskoj rijeci, na području općina Zenica i Žepče.

Član 1.

(Saglasnost na ponovno provođenje procedure dodjele koncesijaza MHE „PEPELARI“)

Daje se saglasnost na ponovno provođenje procedure dodjele koncesija za izgradnju male hidroelektrane MHE „PEPELARI“ na Pepelarskoj rijeci, na području općina Zenica i Žepče, na osnovu utvrđenog javnog interesa.

Lokacije objekta male hidroelektrane iz stava 1. ovog člana nalaze se na Pepelarskoj rijeci i to:

MHE „PEPELARI“ snage 448 kW, na parcelama označenim kao k.č. 922, 923 i 924 u K.O. Pepelari, općina Zenica i k.č. 469/28, 546/1, 546/2, 489 i 925/1 u K.O. Mračaj, općina Žepče.

Član 2.

(Opšti eliminacioni kriteriji)

Opšti eliminacioni kriteriji za izbor najpovoljnije ponude za dodjelu koncesija iz člana 1. ove odluke su:

- Dokaz o uspješnom poslovanju ponuđača u posljednje tri poslovne godine,
- Dokaz o uredno izmirenim porezima i doprinosima,
- Idejni projekat i Studija o ekonomskoj opravdanosti koncesije sa procjenom u cilju zaštite okoliša,
- Garancija banke na iznos minimalno 20% od ukupne investicije, definirane u Studiji o ekonomskoj opravdanosti koncesije ili bjanko mjenica sa mjeničnom izjavom,
- Dokaz o izmirenim obavezama po postojećim koncesionim ugovorima.

Član 3.

(Posebni kriteriji za ocjenjivanje ponude)

Posebni kriteriji za izbor najpovoljnijih ponuda za dodjelu koncesija za izgradnju male hidroelektrane iz člana 1. ove odluke su:

- Vrijeme na koje se daje koncesija je 30 (trideset) godina, računajući od dana početka korištenja koncesije, odnosno početka proizvodnje električne energije;
- Minimalni iznos tekuće koncesione naknade je 5% (pet posto) od ukupnog prihoda male hidroelektrane.
- Minimalni iznos jednokratne koncesione naknade je za: MHE „PEPELARI“ 30.000,00 KM (slovima: tridesethiljada konvertibilnih maraka).
- Učešće domaćih privrednih društava u izvođenju radova, koje će koncesionar angažovati je minimalno 50%.

Član 4.
(Ostali uvjeti i kriteriji)

Ostale uvjete i kriterije, te procentualno učešće pojedinih kriterija vrednovanja za izbor najpovoljnije ponude utvrditi će Komisija u fazi izrade javnog poziva, a u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj 5/03).

Preuzimanje tenderske dokumentacije vršiće se uz prezentaciju dokaza o uplati naknade za učešće na javnom oglasu u iznosu od 1.000,00 KM (slovima: hiljadu konvertibilnih maraka).

Član 5.
(Javno prikupljanje ponuda)

Zadužuje se Ministarstvo za poljoprivredu, šumarstvo i vodoprivredu da putem Komisije provede postupak javnog prikupljanja ponuda, izvrši odabir u skladu sa odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj 5/03) i predloži Vladi najpovoljnijeg ponuđača.

Član 6.
(Stupanje na snagu)

Ova Odluka stupa na snagu osmog dana od objavljivanja u "Službenim novinama Zeničko-dobojskog kantona".

Broj: 02-_____/13
Datum, 11.09.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo prostorno uređenje, promet i
komunikacije i zaštitu okoline,
1x Ministarstvo finansija,
1x „Službene novine Zeničko-dobojskog kantona“,
1x a/a.